

經方實驗錄

第一集
下卷

陸善仲



經方實驗錄第一集下卷



南京中醫藥大學圖書館版權所有

經方實驗錄第一集下卷目錄

第七六案	神志恍惚	一六
第七七案	腸癰 其一	二五
第七八案	腸癰 其二	二九
第七九案	腸癰 其三	三一
第八〇案	肺癰 其一	三一
第八一案	肺癰 其二	三一
第八二案	懸飲 其一	三一
第八三案	懸飲 其二	三一
第八四案	奔豚 其一	三一
第八五案	奔豚 其二	三一



第八六案 歷節 其一

八五

第八七案 歷節 其二

八八

第八八案 發背腦疽

九一

第八九案 汗後致虛

九五

第九〇案 太陽轉陽明病 其一

九九

第九一案 太陽轉陽明病 其二

一〇二

第九二案 太陽轉陽明病 其三

一〇四

第九三案 太陽轉陽明病 其四

一〇五

第九四案 暑天陽明病

一〇九

第九五案 產後陽明病

一一一

第九六案 陽明大實

一一五

第九七案 陽明戰汗

一一九



第九八案 陽明嘔多

第九九案 陽明津竭

第一〇〇案 陽明鼻衄



經方實驗錄第一集下卷

目錄



經方實驗錄第一集下卷

江陰曹穎甫先生醫案

門人瑞安姜佐景編按

第七六案 神志恍惚佐景筆記

佐景曰

友人施君朝貴崇明人也，服務上海電報局。甲戌孟秋某晚，匆匆邀診。乃弟病入其室，見病者仰臥榻上，叩其所苦，絕不應。余心異之。私謂施君曰：乃弟病久耳聾，無所聞乎？抑舌蹇不能言乎？則皆曰否。余益驚異。按其脈，一手洪大，一手沈細，孰左孰右，今已莫能記憶。因詢家人以致病之由。曰：渠前任某軍電職，因事受驚，遂覺神志恍惚。每客來，恆默然相對，客去，則歌唱無序。飲食二便悉如常人，惟食時闕



上時有熱氣蒸騰，輕則如出岫朝雲，甚則如窰中烟，狀頗怪特。前曾將渠送往本市某著名醫院診治，經二十餘日，醫者終不識其爲何病，既無術以療，翻稱其無病以塞責。故於昨日遷出，請先生一斷。余細按其腹，絕不脹滿，更不拒按。沈思良久，竟莫洞其癥結。於是遂謝不敏，赧然告辭。越日，施君告余曰：舍弟之病，昨已延曹穎甫先生診治。服藥後，大泄，闕上熱氣減。余聞而愕然，遂急訪之，並視所服方。憶其案尾略曰：此張仲景所謂陽明病也，宜下之，主以大承氣湯方爲：

生大黃

三錢

枳

實 二錢

芒

硝 三錢

厚

朴

一錢

又越數日，余再晤施君，諭其弟服藥後，已能起牀，且不歌唱。惟兩脇脹痛，經曹師診治，頃又愈矣。審其方，乃小柴胡湯也。



柴胡三錢 黃芩三錢 黨參三錢 半夏三錢 生薑三片

大棗十二枚 甘草二錢

嗣是施君之弟似可告無恙矣，願尚苦自汗，精神不振。又經曹師投以桂枝加龍牡湯，一劑而愈。

川桂枝三錢 大白芍三錢 生草二錢 生薑三片 大棗十二枚

花龍骨五錢 煨牡蠣五錢以上
二味先煎

自此以後，健康逾常人。一日與兄俱出，值余於途，各微笑領首以過。翌日遇施君，問其弟昨日途間作何語。施曰：無他。固詰之，乃笑曰：彼說吾兄脈理欠精耳。余不禁重為赧然。於是深服吾師醫術之神，遂執贄而列門牆焉。



佐景按

本案病者所患似係所謂精神病，或神經病。顧西醫用神經藥治之，絕不見效。中醫用經方治之，反奏膚功。其理深奧，莫可究詰，殆所謂治病必求其本歟？按初方係陽明方，次方係少陽方，末方係太陽方。以三方疎其三經之阻滯，諸恙乃痊，殆當日受驚之時，周身筋絡器官，即因驚而有所滯乎？顧飲食二便如常，腹不痛，又不拒按，誰復有膽敢用承氣？乃吾師獨以闕上熱氣之故，遂爾放膽用之，殆所謂但見一證便是，不必悉具之意乎？噫，天下怪病滔滔，微吾師其誰與歸？

曹穎甫曰 此證予亦不能識，惟診其脈，則右極洪大，左極微細，陰不足而陽有餘，意其爲少陰負跌陽之脈，而初非逆證。加以熱氣出於闕上，病情正屬陽明，與右脈之洪大正合。故決爲大承氣湯的證，而不料其應乃如響也。

佐景又按

本案屬三陽同病，本編入本書第二集中。因邵餐芝先生大序中道及，且本案又爲余從師之因，故特提前列此，以作紀念。

第七七案 腸癰其一 穎師醫案

史惠甫先生住上海城內方浜路七七五號三樓

佐景按 史惠甫君前以病來診，曰：我時患腹痛，藥則少瘥，隔日輒發，醫者以為蛔氣，常用理氣之劑云云。余細診之，乃腸癰也，即西醫所稱盲腸炎、腹膜炎之類是。常用藥攻之，稍瘥，數日又發，案及處方如下。

「腹痛偏右，瘥而復發，便燥結，擬大黃牡丹湯。」

生川軍 錢半 元明粉 三錢 沖 桃 仁 二錢 丹 皮 二錢 敗醬草 三錢

生苡仁 四錢 熟附塊 一錢 枳實炭 二錢 大 白 芍 二錢 佛 手 錢半

此四月十八日方也，服三劑，所下甚多，腹痛大減。至二十五日，僅覺患處隱隱作痛矣。易

醫治之，與以疎洩厥氣之劑，方為：

「軟柴胡 錢半 枳實炭 二錢 大 白 芍 二錢 青陳皮 各錢半 雲 苓 三錢

香 附 二錢 金鈴子 三錢 炙乳沒 各八分 小茴香 八分 炙枸桔 三錢



青桔葉 錢半

路路通 三錢

服後一日，病無進退。二日，腹脹轉劇，又來請診。察之，向之腹偏右脹痛者，今則滿腹左右皆脹矣。按之不甚有反抗力，經文中「腹皮急，按之濡」六字，確是形容盡致，不能更易。病者感頰相告曰：將如之何？余曰：無慮，前方尚可用。乃書曰：

「腸癰旋瘥旋發，刻診小腹四圍作脹，按之濡，隱隱痛，大便不爽，再擬原法。

生川軍 三錢

粉丹皮 三錢

冬瓜子 四錢

芒 硝 三錢 沖

桃 仁 三錢

敗醬草 三錢

熟附塊 錢半

大白芍 四錢

焦查炭 三錢

細青皮 錢半

此方午刻服下，下午無動靜，至夜半方欲便，下穢物甚多。次日又來診，曰：下後腹中略舒矣。余視之，病雖減其一二，殊不了了。曰：昨方雖合，尚嫌輕也。史君曰：然則如之何？曰：當請吾師用重方，君有膽量服之否？曰：願聽命。乃謁師，作初診。

初診

腸癰屢經攻下，病根未拔。昨由姜君用大黃牡丹湯，腹脹略減。以證



情論，仍宜攻下，仍用原法加減。

生川軍

五錢後入

冬瓜仁 一兩

桃仁 八十粒

粉丹皮 一兩

當歸

五錢

芒硝

三錢沖

杜赤豆

四兩

煎湯後入前藥

佐景按

史君持本方至藥舖配藥，舖中人有難色。曰：安用若許劇藥耶？史君曰：毋慮。

此種藥子已屢服之矣。舖中人曰：然則此郎中年幾何矣？曰：七十餘齡矣。曰：然是誠有經驗學問之醫也。乃慨予藥。據史君言，服後四小時即得便下，較向之服子方用大黃三錢，須逾十小時方得下者，爽快多矣。其夜所下最多，皆黑色臭穢之物。更衣頻數，至不可數。而快下之後，腹痛大減，腫痕亦消，次日乃來二診。

二診

昨用大黃牡丹湯，加當歸赤豆。所下粘膩赤色之物，非膿非血。此種惡濁久留腸中，必化為黑色之河泥狀。服湯後，腸中有水下，行作瀉。



漉聲。蓋此證腸中必有阻塞不通之處，故謂之癰。癰者，壅也。然則不開其壅，寧有濟乎？病根未拔，仍宜前法減輕。

生川軍 三錢

丹皮 五錢

桃仁 五十粒

當歸 五錢

冬瓜仁 兩

赤芍 五錢

芒硝 二錢

敗醬草 五錢

杜赤豆 四兩
煎湯後入前藥

佐景按 史君服此方凡二日，計二劑，夜間皆大下，甚至疲於奔波，第與便具之間。所下除河泥狀汚物外，更有白色之膿水。下此水時，每作劇痛。史君自曰：計吾三日夜所下之物，當已滿一器有半。吾腹雖大，乃何來若許汚物，斯亦奇矣！

第三日史君服此原方，余親訪之於其私宅。史君曰：我昨未告老師以所下之物如河泥狀，而老師立案，乃逕曰：「必化為黑色之河泥。」噫，何其神也！余笑領之。因憶某日有徐先生（先生亦嘗從師遊）者嘗來謁師，曰：「家慈以腸病棄養矣。時余以事遠羈他方，未克侍側。中醫以藥攻之不下。西醫剖開腸之一角，見腸中所蓄，非為燥矢，乃盡屬



如何泥狀之物。於是施術取去汚物，病暫愈。乃不幸又二月餘而棄養。』於此可見西醫之治療腸癰，雖見效於一時，而終不足恃，忽其本而務其末，倘死者有知，能不歎恨九泉乎？

坐談有頃，因詢史君以得病之由。曰：『昔年患病，常不服藥。家嚴篤信仙佛，每以香灰令服，病因其在此乎？』但斯時史君所下者，已由黑色漸變為紫紅之咖啡色矣。

三診

兩進加味大黃牡丹湯，腸中宿垢漸稀。惟臍右斜下近少腹處，按之尚痛，則病根尚未盡去也。仍用前法，減硝黃以和之。

粉丹皮 一兩

冬瓜子 一兩

生苡仁 一兩

桃仁泥 五錢

敗醬草 五錢

京赤芍 六錢

生甘草 二錢

當歸 五錢

桔梗 三錢

杜赤豆 四兩
湯代水

佐景按

史君服此凡六劑，所下之物，漸由咖啡色轉為綠色。而綠色之中更雜有如



蠶砂之黑粒。少腹痛處較瘥，惟上行之筋反覺微微牽引不舒。六劑之後，停藥二天，乃行

四診。

四診

腸癰近已就瘥，惟每日晨起大便，患處尚覺脹滿，恐係夙根未除。然下經多次，血分大虧，時時頭暈，脈大，虛象也。當以補正主治，佐以利下焦水道。

大川芎 一兩

全當歸 五錢

大熟地 四錢

春砂仁 一錢

赤白芍 各三錢

猪苓 三錢

明天麻 四錢

陳皮 三錢

澤瀉 二錢

生白朮 五錢

冬葵子 五錢

佐景按

史君服此補正分利之劑後，前之大便時痛者，今已不痛矣。且其前色綠者，今亦轉黃矣。惟七分黃之中，仍有三分綠耳。史君前有遺精宿恙，此時又發。或係本方分



利藥太重之故歟？惟遺後絕不疲勞，則亦無妨焉。

瘥後，史君踵予道謝曰：承先生等診視，吾之惡疾已全愈矣。溯我未遇先生之前，歷訪中外名醫，祈禱遠邇神祇，二年於茲，所費時間金錢，不可數計。顧又以此辭業未獲小效，苟早知先生，則二年之劫運豈非可免乎？雖然，今日若是，亦不幸中之大幸矣。

史君又曰：我以老師之方，示我親友，親友無不咋舌。以劇藥而用劇量，彼輩未之前親也。余曰：劇藥所以治劇病，方今舉世滔滔，病家之訟醫家者，日有所聞，故時流習為輕劑，馴至劇藥無敢嘗試，劇病無由以起，悲夫！

佐景又按：惠甫曾大病三次，皆屬於腸，本案所載乃第一次也。其後二次，亦由吾師生共愈之，悉詳第二集中。嗣是惠甫識醫藥之保身，乃毅然棄業，從師習醫。寒暑尚未三易，而惠甫已成醫界通人矣。故我稱惠甫或曰先生，或曰君，或曰師兄者，先後關係不同故也，茲姑悉仍其舊。

